





AVia ex Pago Schleda. B. Acidulae. C. Domus Inspectorum, in qua Aqua
terrea Acidulis impletur. D. Diversorum. E. Balnea Acidularia. F. Pa-

ANCHORA SALUTIS

33513/A

SEU

DISQUISITIONES

MEDICÆ *Dyck*

DE

Origine, antiquitate, differentia,
Virtute, modo utendi, ac effi-
caci effectū

ACIDULARUM
EGRENSIUM

His accessit

METHODUS

Ritè usurpandi Balneum

Acidulare

in

Mdd. V.

Affectibus præcipuè exter-
nis jam à 30. & pluribus annis
cum salu. *132.*

F. C. L. von LIBENECK

33513/A

GRP.

Dyck
Prague: Labrous 1725. 12/92



SUB

*GLORIOSISSIMIS AUSPI-
CIIS AUGUSTISSIMI*

&

INVICTISSIMI

ROMANORUM

IMPERATORIS

CAROLI VI.

GERMANIÆ, HISPA-
NIARUM, INDIARUM,


HUNGARIÆ, BOHE-
MIÆ, DALMATIÆ, SCLA-
VONIÆ, &c. &c.

REGIS

POTENTISSIMI.

SUB RECTORATU
PRÆNOBILIS, GENEROSI, CLA-
RISSIMI, ac CONSULTISSIMI
VIRI

D. WENCESLAI
XAVERII
NEÜMAN
DE PUCHHOLTZ.



J. U. Doctor: Sac. Cæs. Re-
giæque Majestatis Consiliarii, in
Alma Cæsarea Regiæque Univer-
sitate Carolo-Ferdinandea Pra-
genſi, SS. Canonum Professoris Re-
gii, Publici, ac Ordinarii, in Inclyto
Bohemiæ Regno Regii Fisci Adjuncti,
& Advocati Jurati, Inclytæ Faculta-
tis Juridicæ Senioris, nec non præ-
nominatæ Almæ Universitatis
Pragensis p. t.

RECTORIS MAGNIFICI.

SUB DECANATU

PRÆNOBILIS GENEROSI ac EXCELLEN-
TISSIMI VIRI

D. SEBASTIANI

FUCHS,

Philos. Chyrurg. & Medicinæ Do-
ctoris, Sacræ Cæs. Maj. Consiliarii, &
Personæ Medici, atque in hac Alma Uni-
versitate Pragenfi Inclytæ Facultatis

Medicæ p. t.

SPECTABILIS DECANI.

SUB PRÆSIDIO

PRÆNOBILIS GENEROSI ac EXCELLENTISS. VIRI

D. LEONARDI

FERDINANDI MEISNER,

AA. LL. & Phil. ac Medic. Doctoris, Sac.
Cæs. Regiæq; Maj. Consil. ejusdemq; in hac Al-
ma, Cæs. Regiæq; Univers. Præxeos Professoris Re-
gii, Publici, ac Ordinarii, nec non Inclytæ
Facultatis Medicæ SENIORIS.

Pro suprema Doctoratûs Medici Laurea

Publicæ Disquisitioni exposuit

FRANCISCUS CASPARUS LUDWIG de LI-
BENECK, Noricus Egrensis, A.A. LL. & Philos.

Magister; Medicinæ Candidatus

Anno salutis MDCCXXV. Mense Julio Die Horis
post meridiem consuetis.

HONORI
PERILLUSTRIUM GENERO-
SORUM, ac CONSULTISSIMORUM
VIRORUM

DOMINI
JOANNIS ADAMI
JUNCKER
de OBER-CUNREITH,
Domini in Libeneck, Reipublicæ
Egranæ Consulis SENIORIS.

DOMINI
JOANNIS JOSEPHI
WERNDL
de LEHENSTEIN,
Domini in Ottengrün, Reipubli-
cæ Egranæ Consulis Consenioris.

DOMINI
GEORGII ADAMI
de PRUSCHEN,
J. U. Consulti, Reipublicæ Egra-
næ Consul.

DOMINI
JOANNIS CHRISTO-
PHORI ERNESTI
PRUSCH,

de NEÜBERG,
Reipublicæ Egranæ Consulis.

*Cæterorúmque Prænobilium,
Consultissimorum, ac Doctissimorum Domi-
norum Senatûs & Judicii Inclytæ
Urbis Assessorum,*

Dominorum meorum
ac
PATRONORUM
perquàm
GRATIOSORUM.





PERILLUSTRES, PRÆNOBILES,
GENEROSI, CONSULTISSIMIQUE
DOMINI,

Mæcenates Gratosissimi.

SI, ut olim Sapientissi-
me teste Tullio (a) monebant
Academici, dux cuique Na-
tura Sequenda est, cal-
le recto, ac minime devio deductus equi-
dem processu hodie, dum Naturam ducem
secutus, atque Paternis insistens vestigiis
ad Vos cum Theſibus meis confugi. Si-
ve enim Facultatem, cui studiorum ge-
(5) nus

(a) L. 1. Academicarum Quæſtion. ante
med. Item Lib. 4. & 5. de Finibus locis ali-
quot, & lib. 1. de Officiis post libri med. & c.

nus me addixerat, sive Argumentum de quo disceptaturus sum, sive Personam meammet respicerem, ipse insusurrabat Genius: ad Vos mihi esse eundum. (b) sed & ille, quô Bonas Literas, ac Literatos fovetis, Favor ad Auspicia Vestra invitabat. Quæ eadem mihi tot Experimentis in me, atque meos probata Benevolentia mihi pollicebatur.

Ac primum quidem quod attinet, ipsas etiam Urbes subjectas esse Fatis, ægrotare, deficere, mori, Politicorum (c) consensu edoceor. Seu enim illæ in sublimibus Religionum mentis patiuntur Vertiginem, seu Ignorantiâ Legum cœcutiunt, seu Fide in Principes claudicant, seu malignis Mortis exæstuant Febribus, seu Intestinatorum Motuum

(b) Genius quò ducit eundum est. Hemichion Adagialem apud Emmanuelẽ Thesaurum in Inscriptionibus pag. 130. &c.
(c) Videatur Petrus Faber Lib. 1. Seme-strium cap. 8. & 9.

tuum Colicâ convelluntur, seu Facul-
 tatibus exhaustæ Phtisim, seu Arro-
 gantiâ inflatæ Hydropem, seu deliciis
 corruptæ Gangrænâ, seu otio torpi-
 dæ Lethargum præferunt, seu aliisquibus-
 que Rei Communi noxiis Symptomi-
 bus laborant, salute carent Publica, &
 Viribus amissis valere non censentur.
 Vos ergo, Patriæ Patres Venerandi;
 dum Decessorum Vestrorum exemplô (d)
 à Cunctis id genus Civilibus Morbis hanc
 præservatis Patriam, salutare estis Rei-
 publicæ Æsculapii. (e) In Vobis Di-
 vinissimi illius Adagionis: (f) Multi-
 tudinem Sapientum sanitatem esse
 Orbis Terrarum; Æterna Veritas ab-
 unde elucescit, dum Sapientiâ, Pruden-
 tiâ, Vigilantiâque vestra hoc Urbis no-
 stræ

(d) V. Casparus Prusch: in Historia Egrensi
 sparsim. Balb. in Epitome Rerum Bohe-
 micar. L. 5. in notis ad c. 8. init. &c. &c.
 (e) V. Bugnot. in Argen. Baul. L. 3. cap. 7.
 pag. 291. (f) Sapientiæ 6. v. 26.

stræ Corpus sanum, & incolume constantissime permanet. Ut vel hinc aptè, ac opportune Vos in Mæcenates elegerim Medicus, qui Regimine fortunatissimo Artem meam imitamini, & quâ nos Curâ Civium singulis, Civitati universæ, (g) prodesse satagitis.

Beneficium nempe Vestrum est, quod Nomen sola verum Antiphrasi, sono fallente Nostra gerat Civitas. (h) Tam parùm Ægra, quàm Bellum est bellum, lucet Lucus, parcit Parca. (i) Adversus Corporum quoque Ægritudines à Natura, & Arte tot provisa Præfidiis, (k) ut & Oræ aliæ, Vicinæ, remotæque eam sibi indies experiantur Saluta-

(g) V. Lotich. in Encom. Medic. (h) Allusio ad Nomen Æquivocum Urbis *Egræ*, quam & alii *Oegram*, alii, sed malè *Ægram* Scribunt. (i) V. Isidor in Opere Ethymol. & Bauhus. Lib. 2. Epigram. 50. &c. (k) Stransky in Republ. Bohem. c. 2. n. 19. pag. 114. Balb. in Miscell. L. 3. c. 4. §. 8. p. 35. &c.

lutarem. Testor Celebre illud, nec palato jucundius, quàm salubrius Mulsum, quod Majores nostri Avorum adhuc memoriâ Viciniæ propinabant. Testor Populis notam Theriacen, quæ ad invidiam Mithritatis (l) apud nos hodiedum conficitur. Sed Fontem imprimis Acidum testor, cujus admirabilis Virtus, & Fama Universos Germaniæ, Europæque fines usque adeo implevit, ut maximorum Fluminum Gloriam supergressa videatur. Atque hunc ego Fontem hodie in opportunum Argumentum disputationi, præsentî proposui. Ipso manucente Hippocrate. Qui inter præcipua Vim, & Indolem Fontium considerari jubet, à Medicis. Neque verò, inquit, (m) negligentiores se circa Aquarum Facultates cognoscendas exhibere convenit. Quemadmodum enim gustu diffe-

(l) V. Plin. lib. 25. c. 2. propiùs init. (m) Tomô I. Operum de Aëribus, Aquis, & Locis. pag. 328.

differunt, & pondere, ac statione, sic quoque Virtute aliæ aliis longè præstant. Ità Magnus Hippocrates. Quandoquidem igitur, Mæcenates Gratiſſimi, Fons hic ipſo ſitûs ſuffragiô, ipſo Originis Jure Veſter eſt, hoc etiam novo ex Capite alia mihi, quàm Veſtra Auspicia quærere, aut ſequi nec licuit, nec libuit. Veſtrum Vos habere oportebat Munus; & quod ipſa Vobis Natura adſcripſerat, à me quoque alteri, quàm Vobis inſcribi Juſtitia, & Æquitas non patiebatur.

Quin & Communis cum Fonte Ori-go donum Vobis pariter mancipabat, ac donantem. Qui nempe intra Mœnia Urbis Veſtræ natus, Tutelámque Veſtram expertus ab Incunabulis, Studio-rum quoque ſuorum deinceps Patrocinium ubi aptiùs inquireret? quàm ibidem, ubi tot alii feliciffimè reppererunt. Hæc ve-rò Veſtra, Viri Conſultiffimi, hæc Deceſſorum Veſtrorum Gloria: Muſas ſemper amâſ-

amâsse (n) *Ut hæc extra Parnassum se
morari non credant, ad Vos cum diverte-
rint; neque secus in Urbe Vestra, quam
domi suæ libentes hospitentur. Hic suus
Appollini Medico in Hippocrenen
Fons. Hic Belli, hic Pacis Laureæ.
Nève Apollineum Insigne (o) quis de-
sideret, ipsa Territorii Vestri Figura
Arcus attracti speciem exprimit. (p) Hic
nempe totus cum Musis Apollo. Quem
qui quadriformem repræsentavêre My-
thologi, (q) Vestrum Sapien-
tissimum Qua-
tuor Viratum designâsse in Symbolo
possunt existimari.*

*Quibus igitur ante Annos Septem, &
Triginta dilectissimus Genitor meus San-
ctos Medicæ Facultatis Tutelares, Co-
smam,*

(n) Videatur citatus Stransky Capite, &
paginâ citata, Pruschi-
us, &c. &c. (o) Apol-
linis insigne *Arcus*. V. Racif. Officin. L. 3.
c. 35. p. 285. &c. (p) Balb. in Miscell. loc. cit.
(q) Apud Masen. in Speculo Imag. Verit.
Occultæ cap. 22. n. 38. & 37. &c. (r) Allusio
ad Titulum Thesibus præfixum.


smam, & Damianum in Panegyrico solenni sacraverat, Iisdem ego in præsentiarum Theses hæc Medicas reverentissimo affectu do, dico. Fidenter sperans, quòd quâ olim Benignitate Patrem, eâdem hodie excipietis Filium, & quò Utilitatem, Salutemque Publicam studio promoveri consuevistis, hanc quoque Salutis Anchoram (r) quinquennali Cursu defessæ Rati in Portu Vestro suffigi patiemini. Ego verò læto Celeusmate, passa hæcenus Vela Complicabo, & apposita Aplustri Laureâ Portûs, & Votorum compos requiescam.

*Perillustum, Prænobilem,
Consultissimarum*

DD. VV.

Cultor, & Clientis devotissimus,

FRANCISCUS CASPARUS LUDWIG
de LIBENECK.



PRÆFATIO.

INcomparabili pretio est æstimanda humana sanitas, ita, ut omni potentiæ atque divitiis hominum meritò præripiat pondus; Huic tum conservandæ, tum etiam restituendæ Ter Optimus Maximus DEUS omnibus competentibus remediis benignè providerat; Inter quæ profectò non infimum sibi vendicant locum tam varii & salutares fontes ex terræ anfractibus & cavernis utpotè ex ubere Matris copiosè scaturientes, qui

A

tantæ

tantæ diversitatis, virtutis, imò
 & vitii quandóque sunt, ut eo-
 rum Diathesim nec Ars Spagy-
 rica, nec calamus numerum,
 nec ratio mirabilem effectum
 valeat perscrutari. Dantur e-
 nim in Boëtia fontes Ingenium
 acuantes & memoriam confor-
 tantes, dantur etiam è contra
 memoriam minuentes. In ter-
 ra Phrygia notantur duplices
 fontes, quorum unus risum,
 alter fletum causare dicitur. A-
 lius iterum, de quo fusiùs lo-
 quitur Petrus Joannes Faber in
 Hydrogr: Spagyr: in Avernia in
 Suburbio Claro montano situs,
 qui ab ambiente aëre lapidescit;
 in terra Hestiobis ex Fonte Ce-
 ron bibentes oves nigrescunt, bi-
 bentes autem ex Fonte Melos i-
 terum albescunt; Aphrodius flu-
 vius

vius Pyrha dictus inducit bibentibus & balneantibus sterilitatem, Fons Navor non procul à fluvio Anas situs carnosas partes injectas usque ad ossa consumere fertur; Fons Fortis in Agro Lugdunensi, Lincensis in Macedonia, ac fons in Insula Naxo permodum vini ebrietatem inducere scribuntur; De Lynceste Ovidius 15. Metamorph: meminit; dum inquit:

*Hoc fluit effectu dispar Lyncestius amnis
Quem quicumque parùm moderato gutture
traxit;*

*Haud aliter titubat, quàm si mera vina
bibisset.*

Et Propertius de Naxo.

*En tibi per medium bene olentia flumina
Naxon*

Unde tuum potat Naxia turba merum.

Hæc omnia autem, & multa

ta alia imperſcrutabilia naturæ
 myſteria ſunt, quæ reſpectu no-
 ſtri genij humani explicanda Ars
 valde longa eſt, è contra vita
 brevis, iudicium difficile, ac in-
 genium noſtrum valde leve ta-
 lia perſcrutari, licet autem tot,
 & tam mirabilis virtutis in toto
 orbe terrarum diffuſi fontes ſca-
 turiant, ſic tamen de pluribus,
 magisſque ſalutaribus, quàm no-
 xiis gloriatur noſtra Germania;
 veluti omnes & ſingulos recē-
 ſet Jacobus Theodorus Taberno-
 mōtan^o Medicinæ Doct̃or in ſuo
 Theſauro Aquarū Mineralium.
 Verū & unicum Regnum Bo-
 hemiæ etiam tantū in ſuis con-
 finibus ab immemorabili tempo-
 re plures ſuppeditat, ità ut re-
 verà gratiſſimō piſſimōque ani-
 mō loqui nos oporteat: Domi-
 nus

nus DEUS noster deduxit nos
in terram bonam, in terram, in
qua aquæ & fontes sunt, De-
uter p. 8. v. 7. De quibus, cùm a-
bundè libri conscripti habeantur,
ego hic loci non nisi de A-
cidulis Egrensis, mihi per me-
um, in ævum honorandum D.
Parentem ibidem loci actualem
Physicum Seniore, & ultra 30.
annorum Spatium Practicum
cunctis notissimum quàm opti-
mè notis enucleatè & breviter
discurram, ac publicè ad rei ve-
ritatè melius eruendam appro-
bandamque in Confessu gravis-
simorum ac doctissimorum Vi-
rorum coram Senatu, populòq;
Academico pro mea tenuitate
respondere conabor. Faxit
DEUS ut omnia cedant ad sui
Nominis majorem Gloriam, &

Proximi sanitatis, tum conser-
vandæ, tum etiam recu-
perandæ avidi, emolu-
mentum.



DIS-



DISQUISITIO I.

In qua

origo salutaris, & quid-
ditas clarè superpe-
ditatur.



Uòd olim de Loco
Acidularum etià spe-
cialiter scripserint Au-
thores præsertim Mathæus Hor-
nik, & Petrus Macasius Medic:
Doctores, duplex pro tunc eos
commovet ratio, prima fuit, quia
in Districtu Egrensi plures & di-
versæ qualitatis scaturigines A-
cidulares emanabant, quæ ta-
men in contentis mineris nota-
bilibiter

biliter inter se fuerant distinctæ..
 Harum una tunc temporis uno
 quadrante milliaris ante Civita-
 tem non procul à Pago Lehen-
 stein dicto habebatur, & non so-
 lum populo pro potu ordinario
 sed etiam pro conservanda, &
 restituenda sanitate ordinariè à
 Medicis ordinabatur. Erat qui-
 dem D. Joannes Rubinger Me-
 dic: Doctor multorum anno-
 rum ibidem Practicus ac Phy-
 sicus pro tunc sollicitus, ut sin-
 gulos circumjacentes fontes pe-
 nitùs examinaret, attamen ob
 belli diffidias suæ bonæ Intenti-
 oni nequaquam satisfacere po-
 tuerat, sed solum Alberaitenses
 Acidulas vulgò den Buch/Sauer-
 ling apud plurimos patientes cū
 bono emolumento usurpabat;
 Tandem observans hodiernas
respe-

respectu aliarum tam ratione
contentorū mineralium, quàm
etiam frequentioris, feliciorisq;
effectūs esse multò efficaciores,
præ omnibus cæteris eas pro usu
Medico est amplexus, hunc eti-
am supra citati Medici, & alij
Universitatibus incorporati ob
eandem causam potissimū in
morbis chronicis secuti, ita ut
& hodiedum Acidulæ Egrenses
per totam ferè Evropam in de-
speratis, conclamatisque affe-
ctibus pro anchora salutis me-
ritò habeantur. Altera ratio
penitiùs considerandi, descri-
bendique locum acidularum e-
rat hæc: quia plures Extranei
Medici scripsere Acidulas Egren-
ses scaturire propè suburbium,
in quo passu minùs certiores red-
diti fuere. Quòd tamen hæc

hodiernas & non alias in suis scriptis intellexerint , patet ex hoc , quia specialem faciunt mentionem , quòd propè has etiam aliæ ferinæ & minùs sanæ scaturigines Acidularum sint reperi-
ribiles , & bene meminere , nam ferinæ illæ , seu spuria Acidulæ dictæ non nisi aliquot passibus ab hisce huc usque usitatis Orientem versùs sunt situatæ , Priores autem usuales , uti jam superius innui , medio ferè milliari distant à Civitate versùs septentrionem ad Orientem aliquomodo vergentes , interius cava arbore , exterius verò quadratis lapidibus sibi connexis , sunt munitæ , hinc firmis ligneis Cratibus circumductæ ; harum Acidularum Scaturigo per quàm clara , pellucida , ac CrySTALLINA
est ,

est, & permodum bullientis aquæ cum aliquali spuma & bullulis mox disparentibus, frigida; & recens effervesceat, sulphureum parum spirat odorem, ac per gratum gustanti suppeditat acorem, hinc palatum, & gulam aliquo modo quasi stringit, & moderate siccat, interim gratiosus sitientibus existit haustus.

Dicuntur etiam Acidulæ hæschledanenses vulgò **Schleder Sauerbrunn** à Pago **Schleda** propè earum scaturiginē sito, quod nomen in hodiernum diem à plurimis iis tribuitur. Originem & antiquitatem Acidularum quod attinet, Coætaneæ cum Civitate Egra esse censentur, nā dum fides Annalibus ante quadringentos annos conscriptis, ac in Cænobiis & Monasteriis vicinis

vicinis asservatis habenda, certum est; præsertim autem Casparo Bruscho Patricio Egrensi & Comiti Palatino, qui certè multa memorabilia Civitatis Egræ, & plurium milliarium Circumferentiæ Territorij genuinè demonstrat, idèmq; cum Annalibus contestatur; Dominabantur enim; scribit ille, Civitati Egræ Marchiones de Bohenburg, quorum unus Elnbognam & Egram funditus extruxerat, quod longè ante sexcentos annos contigerat: quod ipsum in Extracto Chronicæ *Aventini* habetur, ubi plurium Principum, & Comitum specialiter autem Marchionum de Bohenburg Genealogia recensetur: in Materia Acidularum scribit ulterius suprà citatus Casparus Bruscho

Brusch hæc formalia : Es wäre vor dem Bruckthor der Stadt Eger eine halbe meil ein edler und berühmter Brunn entlegen / hätte Sauerwasser/ dahero von dem anstößendē Dorff Schleda/der Schläder Sauerling genant. Dieses wasser währe sehr gesund und lustig zu trincken/ werde in Sommer von dem jungen Volck Knaben / und Jungfrauen Täglich hauffenweise in Krüglein in die Stadt getragen / und allda denen armen Handwercks-Leithen und gemeinen Mann verkaufft. Quòd autem hæ ipsæ Acidulæ non solum ante sexcentos annos inventæ, verum etiam jam tunc multum æstimatæ fuerint, probat id fusius in suis scriptis præmemoratus Author, ubi etiam ipsius Imperatoris Friderici Annò 1179. adven-

adventum Egram commemorat. Plurium autem gloriosæ memoriae Imperatorum, & Regum, aliorumq; Principum meminit in suo Tractatu Augustinus de Bois Medic: Doct: & Phy: Egrensis. Territorium Acidularum circacircum ad centum passus à continuis vitriolicis & sulphureis exhalationibus veluti pruinosum partim etiam sub flavum conspicitur; qui Ros pruinosus habet vim à suis mineris emanantem, aliqualem adstringentem, & carbonibus injectus sulphureum spirat odorem; In ficciori æstate tam copiosè exhalat hæc materia pruinosæ, ut permodum alicujus crassioris corticis terram vestiatur, ac in aliquibus locis à solis radiis permodum vitrioli calcionati rubescit.

& hinc

& hinc inde in minori attamen quantitate in Cryſtallos coagulatur, hinc ſi prænominatus cortex ad rubedinem calcinetur & aliquamdiu in aqua communi infundatur, ac per manicam Hyppocratis coletur, ſuppeditat lixivium hordeaceæ Cereviſiæ in colore non ab ſimile aliquomodo adſtringens, Lixivium hoc in vaſculum ligneum infuſum, in copioſas albas, ſimulque aliquatiter ſubflavas etiam per unam tantum noctem concreſcit Cryſtallos, ſaporis ſalini, magis tamen permodum Vitrioli adſtringentis, quæ in exigua Doſi permodum lenitivi etiam alvum ſolvunt; non dubito, quin & ſimile lenitivum remedium commodè pro uſu medico poſſet uſurpari; habetur etiam in noſtrorum

strorum Antecessorum manu-
scriptis, quòd ante multos an-
nos in eodem loco Vitriolum
fuerit præparatum. Territori-
um hoc Egrense non solum a-
mœnum, sed etiam inhabitantibus
percommodum est, quòd
plurimum à Ventis Favoniis &
Zephyris perflatur, irrigatur flu-
viò famosò Egra dictò, unde &
Civitas nomen traxit, respectu
Regni Bohemiæ & aliarum vici-
narum Provinciarum aliquan-
tùm altiùs est situm, planum ta-
men montibùsque circumvalla-
tum, filigo colitur ei copiosior,
Aërem etiam sat temperatū par-
ticipat aliquatenus recentē, hinc
etiam ejusdem Incolæ animò &
corpore sunt fortes & sani, &
non multis subiecti morbosiss
affectibus, vescuntur cibis mo-
deratis

deratis, laboribusque magis dediti videntur, aqua respectu aliarum Eorum quasi durior est, ob particulas, quas secum vehit nitroso-martiales, hinc non mirum, quod ibidem loci tam salutares scaturiant Acidularum fontes. Quidditatem Acidularum quod attinet: *sunt aquæ Medicatæ Vitriolô Martis constantes*, hoc est minerâ martiali à spiritu acido sulphuris embryonati (id est sulphuris, quod adhuc in fieri est) arrosa, & mediante aqua dissoluta. quod fit & probatur secundum experientiam Rochas scriptoris Gallici, Tract. *Scrutinium aquarum mineralium C. 2.* Fodiendo nimirum usq; ad scaturiginem fontis acidi reperitur, quod aqua quædam simplex & insipida currendo per terram

B mine-

mineralē evadat falsa, hæc cursu suo tandem venam Martis penetrat, & corrodit, hinc exorbendo, ex eadem Acidulæ constituuntur.

DISQUISITIO II.

Mineras, quæ In ACIDV-
LLs Latent, exhibet.

Diximus Acidulas esse aquas medicatas Vitriolô Martis constantes, quæ dicta omnino sunt essentialia ingredientia illarum, cum autem Vitriolum rarò purius reperitur, nonnihil de Vitriolo Veneris ei permixtum ut plurimum censetur, quàm hoc quidam negent, & impossibilitatē duobus argumen-

tiss

tis evincere conantur : primum est ; quòd Mars & Venus sint simul incompatibilia , & dicunt solutò in aqua vitriolò , clara & perspicua apparet solutio , cui indita limatura Martis ità præcipitat Venerem , ut instar Cru-
stæ supernatet , ob acidum sulphureum , quod immediatè Martem , & non Venerem aggredi solet. Hinc ex Solutionibus Veneris per baccillos Martis omne acidum elici potest ; unde si conjungantur Mars , & Venus , Venerem per præcipationem seu separationem mox cadere putant. Secundum eorum argumentum est : quòd quæcunque solutio , quæ tantum vel minimum de Venere participat , vomitum causet , quod tamen Acidulis neutiquam adscribi potest,

test, nisi fortassè, dum in excessiva Dosi assumuntur. Ast rationes hæ experientiæ contrariantur: Vitriolum enim mixtæ naturæ mediante aqua solutionem æquè habet perspicuam, ac Venus sinè limaturæ Martis injectione non præcipitatur, prout per accidens tantum quandoque de Venere Acidulas participare, & Vomitoriam vim exerere interdum Rochas lococitatò etiam contestatur. Primarium itaque & Essentiale constituens Acidularum est ipsum Vitriolum Martis, ita manifestum ut idnè quidè externos lateat sensus, per præcipitationemque optimè comprobatur: nam decocto vel infuso Gallarum permixtæ Acidulæ permixtum atramenti nigrescunt, item

per

per Ochram , quam hinc inde deponunt, quæ est minera Martialis in substantiam Croceam soluta ; non minus per gustum, cujus sapor est acido-dulcis vitriolicus quasi, tandem ab ipso met effectu , quandoquidem Acidulis potatis excrementa nigra dejiciuntur, non secus ac solutiones Martis artificiales vitriolacæ efficere solent. Quod ipsum fusiùs demonstrat Senner-tus Cap. de Dyssent : ultima quæstione. Quidam etiam Acidulas probare volunt per destillationem , & evaporationem , sed hic modus fallax est , quia in destillatione multũ de volatili substantia transit per alembicum aut planè evanescit , secundo etiam Remanentia mediante igne alteratur, & nova constituit cõ-

creta, adeoque contenta sic confusa, colliquatæque aliam ob ignis vehementiam acquirunt constitutionem, & texturam; si quandoque Acidulis quidquid de Alumine concedatur, optimè per evaporationem innotescit, illud enim, quod aluminosum est, infundo Alembici figura Octoëdrica concrescit, quòd autem de Nitro Egrenses participant, indubium est, nam si eis aqua falsa commisceatur, turbantur, hinc sic turbidæ lactescunt; Et prout scribit D. Macasius in suo Tract: in fine Capituli 2. quòd quidam ex his Acidulis Nitrum elicere voluerint, ast oleum & operam perdidere, quia Nitrum Acidularum multò subtilius, purius, & magis, quàm comune volatile est. De Sul-

Sulphure quidquam inesse patet
 tum ex odore, tum etiam ex e-
 ruptione potarum, dum na-
 res quasi ad nifum disponendo
 blandè feriunt; idque ex earum
 Genealogia meliùs confirmatur,
 ficut enī Venæ seu mineræ Mar-
 tis immaturæ (sub maturatione
 attamen constitutæ) in quibus
 semper reperitur sulphur, quod
 pariter nondum perfectum est,
 sed adhuc in fieri constitutum
 facile hinc suum spiritum Acidū
 eructat, quo aqua imprægna-
 tur; sive autem acidus ille spiri-
 tus aquas per anfractus, mea-
 túsque subterraneos transcolla-
 tas imprægnet ante ipsius mine-
 ræ solutionem, sive post soluti-
 onem, sive etiam peracta jam
 solutione præterfluentes aquæ
 lixivium quasi Martiale Vitrioli-

cum exforbeant, par est ratio.

Secundò etiam comprobatur nostris Acidulis inesse sulphur in destillatione per flores in rostro retortæ adhærentes, prout & per salia per decoctionenẽ crystallisata, quæ prunis injecta sulphureum manifestant odorem, quòd autem inexistent hoc sulphur solarem æmulet virtutem, adjungo literas D. Paperini Viri expertissimi Principis de Toscana tunc temporis in Boëmia commorantis, nunc verò ad magni Ducis Hetruriæ Thronum eleuati, Archiatro, meo Domi-Parenti, ratione Acidularum Egreusium transmissas; Hic (ut prius referram) utpotè totius Europæ aquas minerales visitans etiam Annò 1701. Egram appulit, & mediantibus suis instru-

mentis

mentis hydrometris in præsentia D. Parentis Die 18. Maji memorati anni serenò Cælò ponderaverat Egrenses, quæ reperi-
tæ sunt in gradu decimo tertio calidæ, gradu 30, verò graves ; quod bene est notandum, & ille ipsemet D. Archiater admiratus est, quo in passuratione prædominii particularum mineralium Thesis exorta est, & licet ei superabundans rubicunda Ochra, utpotè prædominio mineræ Martis in Canalibus adhærescens monstrata & remonstrata fuerit, ob acriores tamen præsapientes nitroso-salinas particulas acquiescere noluit, verum quantitatem collectæ Ochrae & aquæ Pragæ abituricens secum acceperat, & post exactius examen factum sequentibus.

rescripsit : Pragæ 12. Augusti 1701
P. T. ut ea, quam debeo, promptitudine , votis Dominationis suæ Excellentissimæ occurram. Quid circa istas Egranas acidulas observaverim, breviter proferam : variis modis tam aquam quam Ochram Crocei coloris quam mecum ex ipso Canali Pragæ tuli , diligentius ac potius examinatis, perpensisque iis omnibus qualitatibus, quæ ex varia alteratione aquæ, & Ochre antefacta manifestabantur, mihi in eam cognitionem venisse videor, in aquis Egranis primum existimo locum vitrioli martialis, deinde nitri, ac postea auriferam mineram obtinere. Hinc optimas esse existimo pro his morbis, in quibus (pectus excipio ob earum insignem aciditatem) absterge

stergere , deobstruere , refrigerare , ac corroborare convenit, &c. Hæc ille.

Quòd autem dicta mineralia in proportionem variant , & non in una eadèmq̃ue maneat qualitate, gustu percipitur, nã quândoque acrius , & fortius quândoque minus papillæ lingvæ nervæ feriuntur , minus tunc temporis , dum salia mineralia per copiosiore aquam sunt magis diluta , quod contingere solet in diuturniore tempore pluvioso ; nam etsi Acidulis nullus fluvius , aut alijs fontes sint contigui, sic tamen squammosum , spongiosumque circumjacens territorium multum de pluvia imbibit , indèque Acidulæ copiosior aquam participare solent , quòd etiam à nebulosiori aura contin-

contingit. Econtra quò calidior, ficcior, & serenior aura existit, tantò penetrâtioris qualitatis Acidulæ habentur. Quæ omnia dispositioni Aëris crassiori; aut subtiliori, sunt adscribenda.

DISQUISITIO III.

QUALitates ACIDULarVM InqVirt.

QUamvis Acidulis nostris nulla alia vis, nec qualitas attribui possit, quàm qua aîmemorabili tempore suum exererint effectum salutarem, hîlocci tamen cujuslibet inexistentis mineræ qualitatem pertractare penitiùs nobis est animus: initium faciendo à minera Martis.

tis, quæ in mistura sua materiali copiosissimis particulis terrestribus & alkalinis constat, seu principio salino-sulphureo, & permodum acidò, sed paucò aliquomodo fixò, hinc ob fixitatem solari principio vicino, crudiori tamen & immaturo, tandem Mercurio, seu principio fluido alkalino volatili pauciori, quantum nimirum sufficit pro conjungendo sulphure cum sale. Inde patet martem diversis constare viribus, circa quas varii in varias abeunt sententias, duplicem tamen Marti inesse qualitatem plures conveniunt Authores; unam subtiliorem aperientem, alteram terrestriorem & fixiorem adstringentem; Vis aperitiva in volatiliore parte residet, ac proinde in
sale;

fale; vis verò adstrictiva in ter-
 restri, crassiori, & fixiori la-
 titat. Unde acidum vitiosum in
 corpore nostro existens destru-
 it, & absorbet, ratione cujus e-
 tiam varios Martis experimur
 effectus, ut nunc aperire, nunc
 obstruere dicatur, prout nem-
 pe acidum, in quod Mars sua
 spicula figit in primis viis vari-
 at. In genere igitur calorem bi-
 lis, & aliorum humorum effer-
 vescentiam temperat, obstruc-
 tionem referat, & viscera fir-
 mat. Vitriolum genericè sum-
 ptum est sal minerale metallis
 proximum, cujus varia habentur
 genera pro natura mineræ,
 quam in se continent, differen-
 tia. Hic & nunc de vitriolo
 Martiali nobis est sermo, cujus
 vires sunt moderatissimè & sub-
 cale-

calefaciendi , & adstringendi ,
unde visceribus abdominis ami-
cum , quandoquidem confortat
ventriculum , acidum stomacha-
le acuit , putredini ac vermibus
resistit , & nobile diureticū exi-
stit. Tertium inexistens Acidu-
lis Egrensis est Sulphur , quod
nihil aliud est , quàm resina ter-
ræ , chalcantosa siuè vitriolica
aciditate prædita , duplex autem
aliàs à Medicis in sulphure sub-
stantia consideratur , una vola-
tilis acida , altera pingvis bitu-
minosa , ratione hujus pectori
dicatum est , ut passim ob egre-
gias virtutes pulmones conser-
vandi , & quæcunque vitia pul-
monum abigendi balsamus vel
anima pulmonum nuncupetur.
Respectu prioris substantiæ ve-
rò pulmonibus suò modò in-



cum est , præsertim cum jam
 quapiam labe affecti esse suspici-
 cantur; quare & acidularum u-
 sus minus proficiuus est , etiam
 tantum dispositis ad phthisim
 prout inferius pluribus innue-
 mus , ubi , in quibus morbis aci-
 dulæ salutares sint, discurremus
 quia tamen in his acidulis ali-
 aliis coinexistentibus correctum
 & temperatum , ejusque acidu-
 aqua dilutum est , etiam eidem
 una cum cæteris sua laus non
 demeretur , & retinet suam vim
 aperiendi , incidendi , venenis
 ac putredini resistendi. Nitrum
 quod attinet , salvis aliorum
 opinionibus nos dicimus effe-
 concretum falsum penetranti-
 simæ & volatiliissimæ naturæ
 saporis amaricantis ex acido
 spiritu cum alkali sociato com-
 stan

stans, quibus etiam copiosæ particulae sulphureæ sunt intertextæ; de qualitatibus nitri multi disconveniunt Authores, & sunt qui calidum, sunt & qui frigidum esse existimant, in acidulis nostris existit polychreston, quandoquidem vim habet sanguinis coagulationi & putredini resistendi, eundem fluidum ac mobilem conservandi, exæstuationem & sitim compescendi, dolores varios mitigandi, ac saburram tartaream resolvendi, & discutiendi, & certè prout Et-millerus loquitur, nil magis coërcet effervescentiam, salis volatilis, & sulphuris microcosmi, quàm nitrum. Et hæc sunt præcipua acidularum Egrensium ingredientia, ex quibus sal quoddam ejusdem cum mineris vir-

C

tutis

tutis enixum habetur, & communi nomine sal acidularum intitulatur. Ex quibus his particulariter enarratis inter se invicem mixtis, aquâ dilutis, temperatisque universalis Acidulariû usus facile colligitur; videlicet ratione subtilis acidi volatilis embryonati sunt incisivæ, blandæ abstersivæ, & resolutivæ, primas vias, & massam sanguineam mundificantes, hinc sordibus primarum viarum eductis singulariter promovent diuresim, & vias urinarias debite purificant; ratione Martis corrosiva vitiosa, acida, austera, aut aliô modô corpori nociva, errore primæ digestionis genita, ac primas vias, hinc Massam sanguineam occupantia absorbent, & per alvum evacuant

Certum

Certum enim est, quòd bibitæ Acidulæ ab alcali in toto corpore præsentente præcipitentur, hinc pergendo per primas vias referant, & eluunt quosvis meatus, ac instar aquæ limpidæ copioso urinæ fluxu, & quidem eadem, qua haustæ sunt copiâ absque omni incommodo denuò excernuntur. Mars namque, cùm præcipitatur, imbibit vitiosa ista tartarea acida, & quæcunque salia vitiosa, eaque secum sub forma excrementorum nigrorû per inferiora abripit; quod signum est Acidularum bene operantium; Id quod similiter fieri solet post usum quorumcunque medicamentorum martialium, seu ex Marte præparatorum. Aqua Acidularum in se & secundum suam naturam,

qua menstruum , & vehiculum
salium abstractum considerata
refrigerat , & humectat , him
ratione suæ qualitatis omnino
calorem nativum aliquatenus
debilitaret , nisi per mixtionem
recensitorum salium minerali
um imbuta; imprægnatâque po
taretur; unde & virtus ejusdem
refrigerans & humectas ob suam
temperiem tantò nobilior exi
stit. Neutiquàm autem velim
Acidulas nostras ità extollere
ut in omnibus omnia præsta
rent , & non secùs ac quodpi
am universale remedium velut
tì Panacæa solæ & unicæ pro
ficerent sinè discrimine assump
tæ , sed plura ad debitum earum
usum , quæ in Disquisitione 66
dicemus prærequiruntur.

DISQUISITIO IV.

In qVibV's Morbls ACI-
DVLæ slnt saLVtares?
refert.

PRænotatis jam iis, quæ de Origine, Loco, & mineralibus Acidularum scribere oportuit, antequam de modo utendi discurremus, prius necessario inquirendum est, in quibus morbis Acidulæ cum spe restituendæ pristinæ sanitatis valeant usurpari. In hoc passu autem genericè loquendo omnes conveniunt Scriptores, quibus & nos tum ratione, tum etiam multiplici experientia ducti lubentes subscribimus; & Anchoram salutis ex eadem ratione Acidulas intitulamus, quia

in omnibus morbis chronicis qui vitiò primæ digestionis germinantur , ac alia remedia etiam peroptima eludunt salutare existunt Polychreston: prout summa quæcunque hypochondriacæ & scorbuticæ & spleneticæ affectiones , in lètericis dispositionibus affectibus & crebrioribus ejusdem lèteri recidivis infallibile remedium notantur , non minùs nephriticis vias urinarias eluendo , & febribus intermittentibus chronicis specialiter quartanis auxiliantur ; unò verbo in quacunque Cacochymia biliosa & melancholica quàm optime conducunt. Ut autem ad specialia deveniamus ; sciendum est acidulas prodesse in morbis capitis per consensum inferiorum partium oriundis ; quando videlicet

delicet in ventriculo, hypochondriis, intestinis tenuibus, mesenterio, liene, aut utero humores vitiosi atque corrupti stabulantur, ac exinde per vaporis aut humoris heterogenei communicationem, vel per solam membranarum, aut nervorum communionem caput afficitur, veluti contingere solet in catharris calidis, acribus, & falsis, fibras & filamenta meningum nervea ita vellicantibus, & distendentibus, ut & inde vigiliæ, vertigines, tremores, convulsiones, ac Epilepsiæ suam radicem nanciscantur, in quibus his per consensum scilicet productis symptomatibus quàm optimè opitulantur. Paræses & contracturas, si non omninò inveteratæ fuerint, tam ad in-

tra assumptæ, quàm permodùm
 balnei adhibitæ radicitùs tol-
 lunt. Præterea faciei rubori,
 ac oculorum ophtalmicis affe-
 ctionibus contrariantur; singu-
 lariter autem fermentum ven-
 triculi acuunt, ac exaltant, hinc
 appetitum mirum in modum
 conciliant, digestionem adju-
 vant, ructûsque tum acidos tum
 nidorosos ejiciunt, Ardorem
 ventriculi, seu sodam, & Car-
 dialgiam sopiunt, atque vom-
 itum matutinum materiæ pitui-
 tofæ, & aquæ, quam vulgò *daß*
Herb: Wasser appellant singula-
 riter compescunt. Inflationem
 ventriculi ac flatus dissipant,
 Chylificationem adjuvant, læ-
 sâmq; corrigunt, ac mesente-
 rij & viscerum referant obstru-
 ctiones, unde Ictero, chlorosi,
 colicæ

colicæ vomitibus infestante , & malo hypochondriaco Sacra Anchora , ac alter Rhizotomos existunt. In inflammatione renum , gonorrhæa , arthritide , Rheumatismo , scabie & aliis cutis exanthematibus , ex: gr: serpigne , ulceribus sordidis , corrosivis , revmaticis , phagadenicis , & disepuloticis, fluore albo , & tam in defectu , quàm excessivo mensium fluxu tum potæ , tum etiam permodum balnei adhibitæ sumopere conducunt. Hinc etiam in sterilitate pluribus solatium causârunt. Ratione Arthritidis, & gonorrhææ quidam , an conducere possint ? dubitant , nos hæreditariam ab adventitia distinguimus , in qua pro fomite exprimis viis eliciendo optimè conducunt. Ingonorrhea

norrhæa virulenta unicè Sydenham reprobavit , dum ait per assumptas omnia ruere in pejus , interim in lue Venerea , si quis acidulas pro sui medela amplexus fuerit , is ; inquit ille , sine omni scrupulo iisdem uti potest. An in paralyfi convenient , etiam distinctione opus est , in Paralyfi scilicet ex Colica , & paralyfi scorbutica conveniunt , in aliis autem affectibus paralyticis v. g. ex cerebro vel nervoso genere primario promanantibus minus ob earum acidum conferre videntur. Vermium quoque expertissima sunt antidotus , ac universale omnis generis Intermittentium febrifugum existunt remedium , tam potè diluendo nidorofam cruditatem & infringendo acidum volatile
oleo-

oleosum, & corrosivum, quàm etiam permodum balnei adhibiti-
 tæ imminente rigore; utpotè in febribus malignis diluendo, & ratione particularū vitriolacearum potenter spirituum inordinatum motum pacando, & potenter figendo, eosque sua vitriolacea, ac quadantenus anodyna vi sopiendo, & causam occasionalem irritantem emendando singulare alexipharmacum habentur. Majoris momenti dubium etiam movet Platerus in suis observ: pag: 572. utrum usus Acidularum hydropicis etiam conveniret? cùm aquæ Acidæ adaugeant morbum, & in hydrope mortuis aperto abdomine aqua acida ferò commissa fuerit deprehensa. Cujus rei contrarium ab experientia demonstratur.

monstratur ; prout scribit Langius Diff: de usu Acid: Egran: Thes: 10. §. 29. Acidulæ namque sunt potenter diureticæ, & præmissis præmittendis melior modus hydropicos curandi non habetur, quam per copiosum urinæ fluxum, hinc etiam ne utique hydropicis possunt esse nocivæ, dummodò non bibantur malò jam nimis confirmatò, in quo casu viscera proximè jam corruptioni sunt subjecta ; aliàs profectò non nisi nemo negabit Acidulas maximè conducere posse in hydrope, qui ex febribus intermittentibus chronicis præcipuè quartanis, ictero, vitiis mensiũ aut alia simili occasione est productus. Quòd Phtyficis minùs conveniant, minime contrariamur, etiam tantum

tum dispositis ad Phthisim , & quorum pectus à crebrioribus catharrhis magis debile existit, tales enim illud gas acidum , quod acidulæ spirant , minùs sufferunt, quininde potiùs pulmones magis & magis labefactentur. Cautiùs etiam iis sva-deri debent , qui constitutionis magis macilentæ sunt, idque ex dispositione plùs minùs hæctica : qui verò ex quodam acido au-sterò utpotè scorbutici , hypo-chondriaci , splenetici &c. exi-stunt, talibus omninò quàm op-timè conducunt , nam post ea-rum usum habitiores reddun-tur , & meliùs habent. Quæ singula Medicus, cui Patiens ni-tidè suam mentem detegit , an & quomodo Acidulæ sint usur-pandæ , faciliè discernet , & ju-dicabit.

dicabit. Quoad affectus externos mitigant acidulæ omnis generis articulorum dolores, juvant Ischiaticos, podagricos, & singulariter uti dictum ex colica paralyticos præcipuè in modum Balnei adhibitæ. Gyngivarum, ac aliis scorbiticis oris affectibus calidæ gargarizatæ summè sunt proficuæ; Virtus quoque illis adscribitur medendi fœtidæ exulcerationi naris interioris Ozenæ dictæ uti & Vermiculis Aurium &c. Expedit igitur ut dictum, postquam Patiens experto Medicinæ Viro suam constitutionem pro possibili detexerit, ut omnia à Patiente relata prius debite examinentur, causæque morborum judiciosè ponderentur, & perpendantur, antequam ægroto Acidularis cura præscribatur;

batur; nam si ob quæpiam contra indicantia non possint prodesse, non debent etiam usurpâri, ut obsint.

DISQUISITIO V.

QVAliter aqVas Egrenses
Debitè LICeat a sVMere?
InstrVIt.

Circà usum Acidularum tria potissimùm veniunt observanda: *Corporis conveniens præparatio, Tempus bibendi, & Quantitas.* Præparatio Corporis consistit in eo, ut universalia constitutioni Corporis cujuslibet ab Ordinario Medico accomodata, & respectu cujuslibet Individui naturæ congrua, præsertim primas vias mundificantia præmittantur, quò

quò factò remotis scilicet impedimentis, & eò felicius & efficacius suam virtutem exerunt Acidulæ. Ratione Venæ sectionis universaliter decidere æquè non competit, sed respectu individui, si opus fuerit, ordinarius loci optimè judicabit. Tempus quod attinet, optimum, & commodissimum est Vernum, & æstivum, tunc enim maximè sunt activæ, & claræ, scilicet:

Majus, Junius, Julius, Augustus, nam:

Menses in quibus Rdisvadent sumere Wasser.

Quamvis urgente necessitate etiam tempore Autumnali & Hyemali concedi possint, dummodo lagenæ earum benè obturatae sint, nam ex ipso fonte pro hoc tempore aliquàlter turbidæ,

bidæ, minúsq̃ue efficaces haberi possunt. Quantitatem docet, natura & constitutio Patientis, ætas, sexus, Evphoria, seu tolerantia, & consuetudo, maxime autẽ respiciendum est ad tolerantiam. Modus bibendi consistit in eo, ut à minori quantitate initium sumatur gradatim ascendendo à minori, usque dum fiat progressus ad maximã dosim; Naturæ enim omne nimium est inimicum, veluti omnis mutatio subitanea Corpori noxia existit, ut autem tantò perfectior Acidularum effectus subsequatur, in summa dosi aliquamdiu v. g. per decem vel quindecim dierum spatium perseverandum est, ac tandem gradatim descendendum usque ad infimam dosim; Illi namque,

D

qui

qui mox ab initio in maxima incipiunt dosi , in eaque perficiunt , ac tandem derepentè desinunt , non absque graviori noxa tantummodò curam absol- vunt , verùm etiam spe saluta- ris effectùs totaliter frustrantur. Bibuntur itaque præmittendis jam jam præmissis primo die tria vitra , secundo die quinque , tertio septem , quarto vitra non- vem , quinto die vitra undecim usquedum ad eam deveniatur dosim , qua ventriculus plùs capere recuset , & quandam nau- seam plùs assumendi percipiat in qua dosi per unam aut alte- ram septimanam continuare o- portet , diutiùs quidem , si semell- minùs diu si bis de die usurpen- tur. Tandem iis gradibus de- nuò descendatur , minuendo

scilicet

scilicet omni die vitra duo ; ità ut
 si maxima dosis fuerint vitra 13.
 altera die undecim assumantur,
 tertia die novem, & sic ulteriùs-
 usque ad infimam dosim pro ce-
 dendum est. Qui modus & usi-
 tatissimus & optimus habetur ;
 quamquàm multis etiam se-
 quens arrideat ; nimirùm sumi-
 tur quotidie una ampulla ter-
 rea vulgò ein Eger, Sauer-Brum,
 Glaschen / quæ continent præter
 propter quatuor aut quinq; sex-
 tarios, ac per octo vel novem dies
 si mediocrem, seu ut ajunt me-
 diam curam, vulgò eine halbe
 Risten / si verò solemniorem, &
 integram absolvere velint, per
 sedecim vel octo decim dies con-
 tinuatur, bibuntúrque non una
 vice affatim, & præcipitanter,
 sed aliquot vitra solummodò pro

una vice interposito hilari discursu, & blanda deambulatione, aut leni corporis commotione, ut aliquali calore corporis excitato acidulæ melius actuentur, ac promptior earum fiat operatio, quando quidem sic facilius descendunt per alvum, ac tali motu Corporis pori melius referantur, & copiosior diaphoresis promovetur, quod pariter in priori methodo est observandum; oportet autem, ut tota lagena, seu sic dicta amppulla terrea intra semialteram horam exhibatur. Quamquàm quibusdā non nisi mediam epotare præsertim in loco, sæpius sit moris, cum ex aliquali observatione eos non lateat, quòd inferior medietas jam quasi iners, & aquosa, nulliusque saporis acidularis rema-

rema-

remaneat superstes. Illi qui Ventriculum habent quodammodo debilem, bibunt easdem calidas instar ferè thermarum, assumentque pro roborando ventriculo confectionem Anisi, fœniculi, Zinziber conditum, calamum aromaticum, cortices aurantiorū conditos, aut morculos stomachales, vel manè unâ horâ ante acidularum potum in pauculo vehiculo calido elyxyriô Proprietatis, aut aliâ Essentiâ stomachicâ utuntur. Aliàs autem bibuntur acidulæ vacuò exactè ac jejuno stomacho, secus vel frustrâ, vel non absque insignioribus turbis poterunt usurpari, ex qua ratione (nisi speciales circumstantiæ Patientis Acidulas bibentis consentiant) post meridiem rariùs ab

Ordinario Loci Medico svade-
 ri solent , præcipuè si prandii-
 um largius assumatur. In ipsa
 actuali cura ad hoc quoque re-
 spiciendum est , ut Emunctoria
 Corporis sint aperta , atque flui-
 da , & quidem ad minimum bis
 in die , nè particulæ Martiales
 præcipitatae inprimis viis subsi-
 stant , hinc motus per loca con-
 venientia debite observetur , o-
 portet , & si natura per eadem
 evehere non suffecerit , medica-
 mentis adjuvanda est ; Accidit
 enim interdum , ut pedes quibus-
 dam intumescant , nisi alvum
 beneficiò clysmatis servant aper-
 tam , ordinariè autem primis
 diebus per alvum operantur , si
 verò demum tantum non excer-
 natur , quantum assumitur im-
 progressu ulteriori , alvus leni-
 ter

ter exiget stimulari assumptis v.
 g. unâ horâ ante cœnam pillu-
 lis aloëticis aut Emanuelis, aut
 in primo vitro dissolvi poterit
 syrupus rosarum solutivus vel
 etiam syrupus mannatus Hor-
 ftii, vel syrupus florum persico-
 rum, aut horâ unâ vel alterâ
 ante assumptas acidulas suman-
 tur morsuli purgantes. Ut ita-
 que singulis satisfiat circumstan-
 tiis, & debite respondeat alvus
 interdum tertia vel quarta qua-
 libet die pillulæ quædam usuales
 assumi poterunt, aut infusô quo-
 dam fennatô poterit provideri,
 idque uti dictum unâ alterâve
 horâ ante haustum acidularum,
 tali modo enim mirabiliter ope-
 ratio & transitus acidularum
 promovebitur, veluti neutiquâ
 nos latet, si à meridie duabus

circiter horis ante cœnam sumptum ex supra dictis vel aliis medicamentis laxativum, quòd sequenti manè acidulæ potæ melius operentur aut etiam si laxativum matutinò tempore assumatur, matutinus potus poterit intermitteri, & substitui pomeridianus: nam si purgatio intermittatur, plerùmque plus mali, quàm commodi sentitur. Clysmata etiam commodè usurpantur, tam matutino tempore ante acidulas assumptas, quàm vesperti post potum. Urina etiam copiosè fluat oportet; & tantum saltèm ejusdem excernatur quantum Acidularum assumitur, quod quidem rariùs primis octo diebus contingere solet, quia sub his communiter per alvum operantur. Interim ut
demum

demum tantò commodior promoteatur urinæ fluxus , interdum Tinctura Tartari vel Essentia aperitiva de tribus , vel aliud simile remedium in usum trahi potest. Absolutâ itaque Curâ Acidulari , quàm optimè sibi cōsulunt , qui balneò acidulari faciunt coronidem , partim ut viscera abdominis ad debitum tonum denuò redigantur , & post remota abintrosumptis interna impedimenta , externarum partium mala per balneum acidulare meliùs valeant removeri. Cujus usum dabimus Disquisitione nona. Hic & nunc ordo exigit , ut de Acidularum operandi modo breviter discurreamus.

DISQUISITIO VI.

Qua ratione ACIDVLæ
Egrenses operentur, & an
alio trans VehI possint?
reMonstrat.

Postquam jam ex præceden-
tibus cujuslibet mineralis
qualitas, & virtus nobis inno-
tuit, necessarium est, ut & mo-
dum operandi præsentibus di-
lucidemus, ac quomodo in Cor-
pore assumptæ suam vim exe-
rant, demonstremus. Ratione
igitur partium essentialium aci-
dulæ in corpore assumptæ ope-
rantur hoc modo: nimirum ra-
tione martis acidum vitiosum,
errore primæ digestionis geni-
tum primas vias, & hinc mas-
sam sanguineam occupans ab-
sorbet,

forbent, & per alvum evacuant,
 ratione acidi sulphuris abster-
 gunt, primas vias mundificant,
 & salia hæterogenea mediante
 seroso latice per urinam aut su-
 dorem educunt, ac ità suaviter
 vim suam exerunt salutarem,
 leniter enim calefaciunt, super-
 fluas serositates auferunt, & ex-
 siccant, salia quæcunque sylve-
 stria in massa sanguinea laten-
 tia contemperant, æstum & di-
 scrasiam viscerum præsertim he-
 patis & renum corrigunt, ac e-
 mendant, particulas tartareas
 tum in seroso latice, tum etiam
 in massa sanguinea hærentes tã
 per alvum, quàm per urinam
 & peripheriam corporis elimi-
 nant, viscera & vasa mundifi-
 cant, ac varios eorum infarctus
 detergunt, partibúsque debitum
 tonum

tonum restituunt, præterea salia acida vitiosa in corpore absorbent, & per alvum educunt. Atque ita assumptæ Acidulæ, succum gastricū seu fermentum stomachale acuunt, & exaltant, ut inde singularis nascatur fames; hinc ventriculum variis refertum sordibus quàm optimè repurgant. Externe permodū balnei usitatæ ratione particularum balsamico-Sulphurearum totum corpus lenissimè calefaciunt, & effectum introsumptarum tantò feliciorē accelerant, ac ex eadem causa omnia viscera & membra quocunque modo facta debilia, confortant, ratione particularum salino-nitrosarum duritiem, scyrhositatēque viscerum veluti hepatis, lienis, ac mesenterii leniter

niter emolliunt, & adhærentem viscositatem abluunt ; hinc paralyfin ex earum usu tollere nemini non notum est. In variis partium genitalium affectibus (præmissis præmittendis) quid balneum acidularum ratione vitrioli Martis, & particularum balsamicarum sulphuris præstet, plurimi sunt experti, quando quidem mundificat ulcera, & materiam acrem ac corrosivam summopere detergit. Et hæc de modo operandi acidularum tam intrinsecè assumptarum, quàm extrinsecè permodum balnei usitatarum dicta sufficiant ; quomodo balneum earum sit usurpandum, suò locò dicetur. An autem Acidulæ extra locum naturalem aliorsum transvehi, & an eodem operandi modo suum

suum salutarem alibi exerant effectum, aut an necessario requiratur, ut in loco scaturiginis hauriantur? generalis à multis est mota quæstio; à paucis autem quoad speciem decisa habetur; plures namque dantur Acidulæ, quæ acidò esurinò sunt ditiores, multæ ècontra magis scatent minerâ martiali. Certum tamen est, acidulas in lagenis aliquamdiu asservatas deponere Hypostasim terreo-flavam, seu minerâ martialem ab acido erosam, uno nomine Ochram dictam, quæ ubi penitus imbiberit acidum solvens hoc secum coagulat, quod acidum in minera ita coagulatum ad fundum præcipitatur, cui quoddam phlegma minùs utile sub acidum, parùm sulphureum odorem spirans

rans supernatat. Tales omnino aquæ tanquam acidò esurinò minus locupletatæ, & respectivè magis martiales in loco natali oportet, ut bibantur; alioquin acidum à minera absorptum præcipitatur, & aquam viribus destitutam, minúsque, vel planè inefficacem reddit. Minus itidem est fundatum argumentum eorum, qui dicunt acidulas in vase clauso asservatas sufficienti adhuc ad præstandum effectum turgere spiritu, quia, si paululum operculum relaxetur, spiritus cum impetu erumpunt. Quæ ratio ex eo subsistere non potest, cum omne acidum solvens quamcunque mineram metallicam subrosione, & solutione gas ejus elasticum, & volatile emittat, quod ex defectu spatii quan-

quandoque vasa disjicit, hinc in acidulis urgente adhuc actione acidi rodentis in mineram, etiam simile gas excitatum similes effectus producere solet. Acidulæ verò, quæ hoc acidò esurinò sunt ditiores quales sunt Egranae, in his omninò diutiùs illud acidum operationem in mineris exercet; qua de causa hoc coagulum in forma Ochrae tam citò fundum petere non potest, hinc aliorsum tutiùs transuehantur, quantumvis, si diutiùs asserventur, etiam non levem virium jacturam patiantur. Et hæc brevitati studentibus dicta sufficiant, quæ de modo fumendi, & per Incidens de translatione acidularum aliorsum libuit inferere, jam Diætam tempore Curæ ordinare ordo exigit; Cujus sit:

DI-

DISQUISITIO VII.

Diætæ regVLas, & ratlo-
nes teMpore CVræ VnI-
VersaLIter ponIt.

QUantùm emolumentum Diæt-
ta, seu debita sex rerum
non naturalium administratio,
tum ad conservandam, tum eti-
am ad restituendam pristinam
conferat sanitatem, non nisi
Nemini ignotum est; Quàm ne-
cessaria autem sit in Cura Aci-
dulari, potissimùm constabit il-
lis, qui postpositâ debita ratione
vivendi non solum acidulas in-
cassum assumpserunt, sed & plu-
ribus extorti symptomatibus, fi-
ne, ac peculiò frustrati ad Lares
revertère. Unde Aëris præpri-
mis ratio est habenda, quò enim
E purior,

purior, ficcior, & calidior est aura, tantò activiores redduntur Acidulæ, & palatui suo ex mineris inexistentibus promanante acore existunt gratiores, hinc etiam non nisi serenò ære solent: ampullæ illæ terreæ repleri, ut: si aura universalis minùs faveat, ac ex nebuloso aëre aut Imbris minùs puriores haberi queant, in cubilibus temperatè excalefactis efficaciores assumi valeant; Victùs rationem, sive cibum & potum quod attinet, cavendum est ab alimentis Dischy-
mis, & dispeptis, seu ab omnibus illis, quæ pejoris succi, & difficilioris digestionis esse censentur; Hinc primò panis sit bene pistus, & non nimis recens, neque nimium induratus, sed sit: unius diei pistus, oportet, nè in-
flatio-

flationes, & obstructiones, quæ in Cura Acidulari plurimum sunt cavendæ, inducantur. Hinc omnis generis Fabæ, Milium, Oriza, Lentesc, & pisa ex leguminibus exulent, necesse est. Non minus Acetaria, lacticinia cum fructibus horariis summopere cavenda, excepto Nasturtio aquatico, aut Beccabungâ cum paucis Sacharo aut melle contrita, quæ in minori quantitate tutius permodum alicujus alterius acetarii assumi possunt. Alias etiam Lactuca sativa, portulaca, dracunculus hortensis, endivia, cichorium, acetosa, chærefolium, pimpinella, brassica, spinachia, petroselinum & similia carni Vitulinæ, aut etiam agninæ incocta pro renata concedi solent; Ex fructibus Ficus

maturæ, amigdalæ dulces, nuces pineæ, pistachiaë, poma dulcia, & præsertim misniaca cum passulis minoribus, ut moris est, præparata quandoque admittuntur; Ex quadrupedibus animalibus cibi desumpti optimi censentur; Caro bubula, vitulina, ovina, junior, & agnina, hinc etiam junior leporina. Ex volatilibus Ova gallinacea, gallina junior, anser & anas juniores bene saginati, pulli gallinacei. Gallus indicus junior, Capones juniores, & probè saginati, perdices, attagenes, phasiani juniores, columbæ juniores, alaudæ, rusticulæ, & aliæ aviculæ montanæ pro diversitate subjecti habent locum. Ex piscibus optimi habentur trutæ minores, salmunculi, thymalli, funduli, lucii minores.

minores, percae fluviatiles, sal-
mones rhenani, & ex nostra albi,
halex recens &c. Potum quod
attinet, hic, pro varia subjecti di-
spositione & consuetudine ac-
comodari debet. Quidam enim
Cerevisiam, alii vinum, alii etiam
aliquod decoctum pro potu or-
dinario bibere sunt assueti; un-
de consuetudini hoc in passu
plurimum annuendum est, con-
sueti enim licet etiam deterio-
ra sint, ut loquitur Divus Hyppocra-
tes, minus molesta esse solent.
Interim potiori ex parte duran-
te Cura Acidulari Cerevisia ut
plurimum congruus existit hau-
stus, dummodo hæc ex bono
tritico, aut hordeo, vel ex utro-
que simul confecta sit, & meli-
ori cōdita lupulō, ac præter mal-
tum, & lupulum & aquam nihil

recipiens, bene cocta, ac defœcata, consistentiæ mediocris, coloris non adeò intensi, mediæ ætatis, & moderatè hausta : quanquàm etiam pro re nata moderata quantitas Vini Rhénani, Necarini, aut Herbipolensis in mensa concedi soleat. Somnus diurnus pro possibili vitandus, nisi accideret præcedentem nocturnum, ex quibuscunque affectuum circumstantiis, fuisse pauciores; alias optimus est nocturnus, moderatus, duabus circiter post cœnam horis, intercedente aliquali deambulatione, institutus. Vigiliæ itidem salubriores sunt moderatæ, & debito tempore admissæ; nimia enim pariunt cruditates, & caput debilitant. Motus quoque melior est, qui
mode-

ratus instituitur post pastum, servato respectu modi, ætatis, consuetudinis, sexûs, & dignitatis. Immoderatus namque corpus debilitat, & poros, nimium relaxat; hinc spiritus exagitati facile dissipantur. Quorum respectus in Cura Acidulari potissimus habetur, & ad refocillationem illorum requies suadetur moderata. Excernenda si tam quoad substantiam, quantitatem, qualitatem, vires, quam modum & tempus atque locum ritè se habeant, Retinenda quoque bene corresponsdeant, conducunt sanitati. Animi passiones tandem modum nè excedant, oportet, præsertim autem tristitia, ira, terror, caveantur. His itaque legitimè, & debitè fervatis, si quæpiam ex puro potu Acidularum

larum etiam exorirentur symptomata, tantò faciliùs (ut sequenti Disquisitione dabimus) iisdem poterit obviari.

DISQUISITIO VIII.

**ACCIDeNTIbVs MorboSI
eXqVlSIte obstat.**

EX prioribus dictis constat, quòd Acidulæ Egrenses subtilibus, copiosis, & penetrantibus particulis spirituosissimis sint imprægnatæ, unde facile, veluti per alium haustum spirituosum contingere solet, in caput elevantur, ibique fibrillas nerveas moleste vellicando aliqualem, attamen non apud omnes, & singulos æqualem inducunt Cephalalgiam, verum Unus de majori, & vehementiori, alius iterum de leviori conqueritur dolore, plures etiam

am

am immunes Curam continuant; Similes autem dolores capitis, si non ex quibusdam Diætæ erroribus exoriantur, absque omni medicaminis adminiculo evanescunt; quod si verò de die in diem dolores augerentur, caputque aliunde heterogeneis infarctum foret humoribus, his prorenata Loci Ordinarius Medicus per remedia cephalica congrua facile obviabit. Quandoque Vertigo, Tinnitus aurium, dolor dentium, Ophtalmiæ, &c. suboriuntur, quæ singula omnino ab activitate Acidularum procedunt, dum scilicet humores vitiosi per metastasim in similes partes translati actuantur, & tam molesta interdum symptomata inducunt, hæc autem intra exiguum tempus absque o-

mni assumpto remedio mitigantur & facile disparent. Ventriculi affectibus quòd Acidulæ medeantur, jam ex præcedentibus constabit, interim tamen debiliior ejusdem constitutio (etsi rarius) aliqualibus inflationibus tentatur, præcipuè dum Acidulæ uti superius jam innuimus, non debito tempore, neque in loco commodo assumuntur, hæ minoris considerationis existunt; nam bonò vitrellò vini ventriculum confortando inflationes tales commodè dissipantur; & si etiam necessitas urget, morsellis, aut alio simili remedio stomachali poterit adjuvari. Vomitus symptomatium quod attinet, cum aliunde notum est nullam vim emeticā inesse acidulis, ac vix in centesimo

mo accidat subjecto, pro opere naturæ à Medicis habetur, nam hæ non per unam eandemque viam operari solent, sed secundum materiæ vitiosæ proportionem nunc per superiores, nunc etiam, quod communius, per inferiores vias satagunt evacuare, casu quo autem alvi obstructio adesset, & quæpiam tormina abdominis sentirentur, ac non nisi quidpiam aquæ vulgò des Herk Bassers per conatum elevaretur, indicat materiæ digestionem, præcipationē, hinc Ventriculi corroborationem fore necessariam. Quod si de tensionibus ac inflationibus hypochondriorum conquerantur, quod accidit, dum obstructio hepatis aut Lienis incipit referari, in cassum remedia exhiberentur,

tur, nam breviori patientiâ ipsæmet evanescunt, si autē magis ab Impatientia, quam ipsissimis accidentibus aliquomodo premerentur, iis per topica succurrere consultum erit. Constat itidem, quòd dum tanta copiosa vitiosorum & acrium humorum in Cura acidulari per intestina potiori ex parte evacuari debeat, sæpius intestinum rectum excoriationem tunicæ interioris patiatur, unde Patientes conqueri solent de dolore & ardore ejusdem intestini, similes autem dolores etiam per unam noctem solùm, citrà aliquod leniens remedium iterum sedantur: Non parùm etiam terrentur Patientes, quibus pedes circa malleolos aliququaliter in Cura intumescunt; ast & hos bonò

bono animo esse decet, neque propterea desistere ab haustu ulteriori, quandoquidem acidulae solae ultronee assumptae sufficientes sunt, in talibus imò majoribus etiam ædematosis tumoribus debellandis solatium adferre; quod vel inde patet, dum in epilogo Curæ profluvium alvi superveniens utpotè proprio naturæ motu superfluas serositates tollere est natum. Qui spasmodicis contractionibus alius sunt subjecti, iis omnino duriora accidere solent articulorum symptomata, propter fixioris, & acrioris materiæ commotionem, sed his levi topicò remedio immediate succurritur, hinc per balneum radicaliter curantur. Plura minoris momenti symptomata, si quæ præter re-

censu-

censita acciderent, debito vitæ
 regimine, & præsentis Medici ju-
 diciò tolluntur. Quod si autem
 quispiam morbus ità radicans
 & inveteratus fuerit, & ex ali-
 cujus visceris corruptione origi-
 nem ducat, ex indèque Loci Me-
 dicus Ordinarius symptomata
 promanare exactè judicet, in si-
 mili passu non solum ab incho-
 ata cura desistere oportet, ve-
 rum nec competit curæ sumere
 initium, nam uti periculo vitæ
 Patiens, ità & noster Thesaurus
 incomparabilis, opprobrio vul-
 gi, qui alias per tot centenos
 annos millenis Salutis Anchora
 exstitit, exponeretur, uti per-
 bellè meminit *Gratianus*, dum de
 Ufu Acidularum loquitur, quòd,
 vix ad ullum aliud medicaminis
 genus exhibendum tantà cir-
 cum-

cumspectiōne, atque tam accuratâ consideratione opus sit, quantam in præscribendis Acidulis, adhibeant Practici necessum est. Et tamen non pauci inveniuntur, qui inde intricatarum ægritudinum, quarum causas nondum fortâsse noverunt, medelam quærant: quique eventu secundum vota non succedente, culpam omnem in Acidulas rejiciunt, quasi hæ ineptæ comparandæ incolumitati sint, non ii easdem inconsultò temerèque præscripserint. Notandum etiam, quòd absolutâ curâ Acidulari appetitus magis vigeat, famelique vehementior oriatur, cui neutiquam fidendum, cum acidularum effectus quandoque post longius temporis interval-
lum manifestetur, & si ventri-
culus

culus copiosioribus interea alimentis & potationibus obrueretur, pluribus cruditatibus anfa non solum præberetur, sed loco salutaris effectus graviores morbi suborirentur. Quamobrem per plures menses regula exactior vivendi discedentibus suadetur, ut tanto certius eundem finem, cujus gratiâ non solum longinquius sufferunt iter, verum & majoribus habitis expensis, exoptatæ sanitatis apicem consequantur.

DISQUISITIO IX.

**BaLneVM aCIDVLare
breVIter InstItVIt.**

ANtequam methodum usurpandi Balneum acidulare describamus, præviè in quibus affectibus extrinsecè suam vim
exe-

exerant acidulæ disquiremus. Sciendum autem est, quòd virtus earum extrinsecè usurpandarum consistat in sale fixiori, & earum sulphure volatili, hinc textura, ac styptico earundem sapore ex mineris inexistentibus promanante, qua ratione externè adhibitæ conveniunt in omnis generis affectibus partium nervosarum, ex atonia seu resolutione fibrillarum propullulantibus; itè in doloribus quibuscumque fixis, & vagis, hinc in specie in paralyfi & stupore partium, metu apoplexiæ summporè existunt salutare, non minùs in doloribus brachiorum, crurum, & Cephalæis, aliisque capitis doloribus periodicis, ac morbis convulsivis partium externarum egregiè conferunt, utpotè jam in

propatulo est, quòd colicas convulsiones, indèque paræses artuum exortas ac contracturas mirum in modum soleant compescere. Sulphur enim earum est summè penetrans, cum quo subtiliora mineralium in existentium salia quascunque partium viscositates acidas nervoso generi inimicas resolvunt, & sapore suo quodammodo styptico, partes nerveas resolutas firmant, earundèmq; acidum corrigendo per sudorem feliciter educunt. Porro etiam in doloribus nephriticis sunt salutare, anasarcam hydropem quoque, non tamen confirmatum quàm optimè curant, unde & tumores partium flatulentos, ac indè ortas inflammationes egregiè discutunt. In sterilitate mulierum præ-

præcipuè, quarum uterus atoniâ laborat, & variis sordibus est infarctus, hinc in fluore albo Thermis neutiquam cedunt. In affectibus podagricis attamen non confirmatis, in quibus jam jam acidum fortius locis articularibus ita infixum est, ut ad nodos proximè disponat, his omnino propter vim stypticam non tantum non nocerent, sed et in contracturam dejicere possent; nam:

Tollere nodosam nescit Medicina Podagram.

Non confirmatis autem propter vim resolvendi, & discutienti, ac partes nerveas roborandi quòd multum conferant, frequentior experientia contestatur, prout de nomine quorundam meminit in suo contractu

Ettnerus & de Bois plurésque alii. Post paroxysmum enim ita roborant articulos, ut minus frequenter recidivam perpetiantur. In affectibus cutaneis, utpotè sunt ulcera inveterata & pessimi moris, serpigines, scabies ferina, & contumax, imò & lepra, nisi nimis sit excessiva & inveterata, impetigines, lentigines, ac peâum tumores œdematofos, & alia plura vitia cutanea propter suum sulphur resolvendo succos viscidos, & tenaces, hinc abstergendo ulcera feliciter tollere consveverunt.

Nocent ècontra acidulæ etiam Balneo adhibitæ tabidis, atrophîâ correptis, & Corporibus extenuatis ad hæcticam dispositis, in his enim sudores colliquativos excitando minus sunt salutare.

salutares. His itaque prius cognitis nunc ad modum balneandi nos convertimus : Imprimis requiritur, ut balneum hoc acidulare instituatur in loco comodo (in quo passu Inclytus Magistratus omni modè providere satagebat) seu in hypocausto calefacto, in quo balneans pro libitu calorem balnei per quempiam sibi adstantem poterit moderare, quamvis primum remissiùs ingredi sit consuetum, nè fortasse ex intensiori prima vice adhibito per quaecunque symptoma emergens pusillanimitas reddatur, caput sit vittà, tectũ & corpus indusiò prout moris est, provisum esse debet. Qui igitur Curam acidularum in- & extrinsecam debite instituere anhelat. Eisequens me-

thodus poterit infervire: Tribus diebus videlicet bibendo, usque ad summam dosim continuabit, deinde duabus diebus balneabit, ac sic alternatim continuando, donec in suo affectu sentiat levamen. Qui hac methodo utuntur poterunt tribus horis ante prandium balneare, in quo passu etiam regimen est observandum, & quidem prima vice non nisi mediâ horâ insidere oportet; sequenti die unâ horâ, tertia die semialtera ad summum, quamvis constitutio subiecti tempus insidendi ipsamet determinet. Aliquibus moris est, antequam balneo insideant inungere scrobiculū cordis quodam balsamō, aut alio oleo stomachali, quod etiam nullatenus pro corroboratione ventriculi est

est improbandum. Absolutò
 dein balneò abstergetur corpus
 linteis myrhâ aut olibanò, vel
 alio simili aromate suffitis hinc in
 lectum compositus Patiens me-
 diâ aut unâ hora ad minimùm
 quiescat, donec aliqualis fudor
 citrà somnum erumpat, hinc le-
 ctum deferendo modicùm ante
 pastum deambulandum est. Mu-
 lieres autem in Cura menstruan-
 tes abstineant à Diaphoresi do-
 nec iterum subsistant. Illi, qui-
 bus bibere ac balneare competit,
 tempestivè potũ inhoënt, est ne-
 cesse, & si intra quatuor horarum
 spatium acidulæ suam operatio-
 nem exererint, citra omne peri-
 culum circa horam sextam post
 meridiem tribus quadrantibus
 horæ balneo poterunt insidere,
 attamen si tribus diebus conse-

quenter tali modo continuaverint subsequenter tribus iterum requiescant, nè dum citius sanati esse cupiant, magis debiles reddantur. Ulceribus pedum & crurum affecti, possunt etiam pediluvium tepidum vesperi per mediam horam usurpare, & postquam per se pedes siccati fuerint, suffitis linteis involvantur, sudantibus de nocte licebit etiam manè uno quadrante horæ balneare, indebilitate pedum solum pediluvium satisfacere aptum est. Quid stillicidium calefactarum Acidularum in quacunque corporis parte affecta præstet? aliunde ex millenis effectibus jam est patulum. Unica adhuc quæ nobis intacta maneret quaestio, est: Cur Acidulae, uti Thermæ etiam non caleant? cum etiam

etiam Acidulæ, uti superius diximus, fiant ex rofione falis quasi universalis in venam metallicam, quæ actio vix finè effervervescentiæ motu, & ex æstuatione fieri videatur? Respondemus breviter: Acidum Acidularum est magis aquâ dilutum, & quia ipsamet vena metallica proprio acidô plus minùs jam saturata est, etiam minori impetu, & blandiore rofionis actu fiunt Acidulæ. Atque hæc sunt, quæ de Acidulis Egrensis juxta meam tenuitatem valui recensere, Faxit Ter-Optimus Deus, in cujus Gloriam Incolumes vivere studemus, ut per earundem debitum usum pretiosissimæ Valetudinis singulis affulgeat

F I N I S.



Vetero-Pragæ, in Magna Aula Carolina, Typis Hæredum Labaunianorum.



ELENCHUS QUÆSTIONUM.

*Quæst. I. An situs Loci ad vim
Acidularum quidquam con-
tribuat? R. Affir.*

*Quæst. II. An Acidulæ vul-
go Ferinæ seu spurie dictæ
sint nocivæ aut venenatæ?
R. Negativè.*

*Quæst. III. An non æquè, ut u-
suales tam efficaciter pos-
sent usurpari? R. Affir.*

*Quæst. IV. An virtus acidu-
larum consistat in Vitriolo
Martiali? R. Negativè.*

*Quæst. V. An respectu Sulphu-
ris, & mineræ auri sint nobi-
liores*

liores? R. Affirmativè.

Quæst. VI. An vis purgans & aperiens consistat in particulis mineræ martialis subtilioribus? R. Negativè.

Quæst. VII. An usus Acidularum omnibus pectoris affectibus sit nocivus? R. Neg.

Quæst. VIII. An tamen quandoque Phtysicis conueniant? R. Affirmativè.

Quæst. IX. An in Lue Venerea etiam remedium existant? R. Affirmativè.

Quæst. X. An hydropicis tutò Cura Acidularis suaderi queat? R. quandoq.

Quæst. XI. An semper necessario

sariò ante Curam Acidularum debeat præmitti purgatio? R. Negativè.

Quæst. XII. An acidula potæ pro diversitate subjecti hunc calefacere, illum refrigerare valeant? R. Affirmativè.

Quæst. XIII. An consultiùs & convenientiùs sit suadere potum frigidarum, vel calefactarum acidularum? R. Problematicè.

Quæst. XIV. An effectus Acidularum perfectior sit ex operatione per alvum, an verò per diuresim? R. per diuresim.

Quæst.

Quæst. XV. An Acidulæ tantum operentur copia & pondere, quantum sua intrinseca qualitate? R. Affirmat.

*Quæst. XVI. An diætæ ratio consistat purè in observati-
one debita sex rerum non
naturalium? R. Negativè.*

*Quæst. XVII. An necessario
bibentium acidulas s. v. ex-
crementa colorenigricante
tincta esse debeant? R. Neg.*

*Quæst. XVIII. An acidulæ tu-
tò pro potu ordinario assu-
mi, aut an vino in mensa
prout quibusdam moris est,
valeant commisceri? R.
Negativè.*

Quæ-

Quæst. XIX. An durante Cura symptomata suborta careant periculô? R. Affir.

Quæst. XX. An Acidulæ permodum balnei adhibitæ accelerent salutarem effectum introsumptarum? R. Affirmativè.







FC L von LIBENECK

GRP
12/52

